

---

**From:** Páll Gunnar Pálsson - SAMK  
**Sent:** miðvikudagur, 28. september 2022 22:35  
**To:** benedikt.arnason; Valur Þráinsson -SAMK  
**Subject:** RE: Stjórnunar- og eignatengsl - Drög að viljayfirlýsingu og samningi við Samkeppniseftirlitið  
**Attachments:** FRÉTT - DRÖG - Stjórnunar- og eignatengsl SE.docx

Sæll Benedikt,  
Hér koma drög að frétt SE, sem þú mættir kíkja á.

Eins og þú sérð af fréttinni finnst okkur mikilvægt að taka upp ítarlegu lýsinguna á verkefninu, sem fram kemur í samningnum, enda rýmar það vel við forræði eftirlitsins á athuguninni sjálfri. Það myndi leyfa ráðuneytinu að vera með styttri samandregna lýsingu í staðinn fyrir málgreinina með upptalningunni, t.d. eftirfarandi: „Í athuguninni felst upplýsingasöfnun og kortlagning sem hefur það að markmiði að varpa ljósi á eignarhald eins sjávarútvegsfyrirtækis í öðrum fyrirtækjum, áhrifavald eigenda sjávarútvegsfyrirtækja í fyrirtækjum sem og að auka gagnsæi um stjórnunar- og eignatengsl.“

Þetta er allt til umræðu. Við Valur stefnum svo á að vera búnir að ræða betur við stofnanirnar áður en ráðuneytið birtir fréttina í næstu viku, en Valur er að koma til vinnu eftir frí.

Með bestu kveðju,

**Páll Gunnar Pálsson**  
Forstjóri | [pall@samkeppni.is](mailto:pall@samkeppni.is)

**From:** Páll Gunnar Pálsson - SAMK  
**Sent:** þriðjudagur, 27. september 2022 13:21  
**To:** Benedikt Arnason <[benedikt.arnason@mar.is](mailto:benedikt.arnason@mar.is)>; Valur Þráinsson -SAMK <[valur.thrainsson@samkeppni.is](mailto:valur.thrainsson@samkeppni.is)>  
**Subject:** RE: Stjórnunar- og eignatengsl - Drög að viljayfirlýsingu og samningi við Samkeppniseftirlitið

Sæll,  
Ég var að drafta frétt SE um hið sama. Það er gott að lesa fréttirnar tvær saman svo allt sé úthugað. Sendi þér hana þegar Valur o.fl. eru búnir að lesa.

Með bestu kveðju,

**Páll Gunnar Pálsson**  
Forstjóri | [pall@samkeppni.is](mailto:pall@samkeppni.is)

**From:** Páll Gunnar Pálsson - SAMK  
**Sent:** föstudagur, 16. september 2022 14:13  
**To:** Benedikt Arnason <[benedikt.arnason@mar.is](mailto:benedikt.arnason@mar.is)>; Valur Þráinsson -SAMK <[valur.thrainsson@samkeppni.is](mailto:valur.thrainsson@samkeppni.is)>  
**Subject:** RE: Stjórnunar- og eignatengsl - Drög að viljayfirlýsingu og samningi við Samkeppniseftirlitið

Sæll Benedikt,

Þetta lítur mjög vel út. Stjórn Samkeppniseftirlitsins er búin að fjalla um samninginn svo mér er ekkert að vanbúnaði að skrifa undir.

Við hraðan yfirllestur staldra ég þó við eftirfarandi, sem mér yfirsást um daginn: Í 2. málsl. 5. gr. og 3. málsl. 2.mgr. 6.gr. er vísað til verkáætlunar. Mig minnir að við höfum rætt að það væri ekki þörf á því að setja fram þá verkáætlun sem hluta af samningnum.

Ég bið þig því að hugleiða hvort við getum einfaldað þetta, sbr. tillögur í trakki. Þannig sé í 5.gr. ekki vísað í verkáætlun heldur „samning þennan“. Síðan finnst mér að fella megi niður 3.másl. 2.mgr. 6.gr. mætti, enda bætir það ákvæði litlu að engu við heimildir ráðuneytisins skv. 5.gr. til þess að ganga eftir efndum samningsins.

Góða helgi.

Með bestu kveðju,

**Páll Gunnar Pálsson**

Forstjóri | [pall@samkeppni.is](mailto:pall@samkeppni.is)

**From:** Páll Gunnar Pálsson - SAMK

**Sent:** fimmtudagur, 8. september 2022 16:36

**To:** Benedikt Arnason <[benedikt.arnason@mar.is](mailto:benedikt.arnason@mar.is)>; Valur Þráinsson -SAMK <[valur.thrainsson@samkeppni.is](mailto:valur.thrainsson@samkeppni.is)>

**Subject:** RE: Stjórnunar- og eignatengsl - Drög að viljayfirlýsingu og samningi við Samkeppniseftirlitið

Sæll Benedikt,

Hér eru drög samningnum, þar sem við erum búin að gera örlitlar breytingar sem allar miða að því að standa vörð um sjálfstæði eftirlitsstofnanna sem í hlut eiga og þar með trúverðuleika ráðuneytisins. Það væri gott að fá tækifæri til að labba í gegnum þetta.

Með bestu kveðju,

**Páll Gunnar Pálsson**

Forstjóri | [pall@samkeppni.is](mailto:pall@samkeppni.is)

**From:** Benedikt Arnason <[benedikt.arnason@mar.is](mailto:benedikt.arnason@mar.is)>

**Sent:** mánudagur, 22. ágúst 2022 16:45

**To:** Páll Gunnar Pálsson - SAMK <[pall.g.palsson@samkeppni.is](mailto:pall.g.palsson@samkeppni.is)>; Valur Þráinsson -SAMK <[valur.thrainsson@samkeppni.is](mailto:valur.thrainsson@samkeppni.is)>

**Cc:** Þórunn Oddný Steinsdóttir <[thorunn.steinsdottir@mar.is](mailto:thorunn.steinsdottir@mar.is)>

**Subject:** Stjórnunar- og eignatengsl - Drög að viljayfirlýsingu og samningi við Samkeppniseftirlitið

Sælir Páll Gunnar og Valur

Vísa í samtal við Pál Gunnar á föstudaginn. Hér meðfylgjandi eru til frekari umræðu drög að viljayfirlýsingu ráðuneyta og stofnana og samningi MAR við SE.

Við í MAR viljum að það verði látið á það reyna á næstu þremur vikum, þ.e. fyrir þingsetningu, hvort samkomulag geti tekist á milli stofnana um fyrirkomulag af þessu tagi. Það verður ansi þröngt um tíma fyrir MAR ef það verður dráttur á samkomulagi.

Í samningsdrögum er kveðið á um 30 m.kr. kostnað sem MAR greiðir. Við erum þó tilbúin í 5 m.kr. til viðbótar, eða í hámark 35 m.kr., ef þið sjáið fyrir ykkur viðbótarkostnað sem tengist þessu starfi með beinum hætti annan en þann sem kemur fram í excel-skjalinu í viðhengi, svo sem eins og ráðgjafarnefnd með erlendum sérfræðingum eða eitthvað því um líkt. Geri ráð fyrir að hver stofnun tilnefni starfsmann í vinnuhóp og stofnunin greiði fyrir hann. MAR greiði hins vegar fyrir sérfræðing sem kemur til starfa í þetta tiltekna verkefni eða annað fyrirkomulag, ef SE vill t.d. fremur nýta sinn eigin starfsmann. Geri ráð fyrir að þessi sérhæfði starfsmaður sé dýr, umtalsvert yfir meðallaunum. Bæti svo við launtengdum gjöldum og álagi vegna fasts kostnaðar, svo sem búnaðar, ferðalaga o.fl. Geri ráð fyrir þessum greiðslum frá 1. september 2022 til 31. desember 2023.

Það væri óskandi að Seðlabankinn væri líka með í verkefninu frá fyrsta degi. Sé í raun ekki af hverju svo ætti ekki að vera.

Ég set þórunni Oddnýju í afrit en hún mun sjá um lögfræðihlið sjávarútvegsstarfsins hjá okkur. Ég bið Val um að setja sig í samband við hana (s 694-1899) ef upp eru að koma lagaleg álitamál í vinnuhópi stofnananna. Svo erum líka bara tvær hæðir á milli.

Ég fæ að heyra í ykkur fyrir lok vikunnar um stöðuna. Ég er í burtu í næstu viku en ég mun óska eftir fundi með Guðmundi Árnasyni og Skúla Eggert í byrjun vikunnar 5. september.

bestu kveðjur  
Benedikt



**Benedikt Arnason, ráðuneytisstjóri / Permanent Secretary**

Skrifstofa ráðherra / Department of the Minister  
Matvælaráðuneyti / Ministry of Food, Agriculture and Fisheries  
Borgartún 26, 105 Reykjavík, Iceland  
Sími / Tel: (+354) 545 9700  
[www.mar.is](http://www.mar.is) - [Fyrirvari/Disclaimer](#)

Vinsamlegast hugið að umhverfinu áður en tölvupósturinn er prentaður / Please consider the environment before printing

## Kortlagning á stjórnunar- og eignatengslum í sjávarútvegi

Í samstarfi við Fiskistofu, Seðlabanka Íslands og Skattinn hefur Samkeppniseftirlitið ákveðið að hefja sérstaka athugun sem miðar að því að kortleggja stjórnunar- og eignatengsl sjávarútvegsfyrirtækja.

Athugunin byggir á d-lið 1. mgr. 8. gr. samkeppnislaga, en samkvæmt ákvæðinu er eitt af hlutverkum Samkeppniseftirlitsins að fylgjast með „*þróun á samkeppnis- og viðskiptaháttum á einstökum mörkuðum í íslensku viðskiptalífi og kanna stjórnunar- og eignatengsl á milli fyrirtækja.*“ Þar kemur einnig fram að stofnunin skuli birta skýrslur um athuganir sínar.

Fyrir liggur að yfirsýn og þekking á stjórnunar- og eignatengslum í íslensku atvinnulífi hefur mikla þýðingu í starfsemi fleiri stofnana í íslenski stjórnvöldum, s.s. hjá Seðlabanka Íslands, Skattinum og Fiskistofu, en síðastnefnda stofnunin hefur m.a. eftirlit með hámarksafhlutdeild sjávarútvegsfyrirtækja. Aukið samstarf framangreindra stofnana er til þess fallið að gera þeim betur kleift að sinna lögbundnum skyldum sínum. Hafa stofnanirnar undanfarið átt í samskiptum sem miða að þessu.

Á vettvangi matvælaráðuneytisins stendur nú yfir heildarstefnumótun í sjávarútvegi. Hluti af því starfi er kortlagning stjórnunar- og eignatengsla í sjávarútvegi. Sem lið í þessari vinnu hefur matvælaráðuneytið nú gert samning við Samkeppniseftirlitið, sem gerir því kleift að hefja framangreinda athugun. Frétt ráðuneytisins er aðgengileg [hér](#).

Í athuguninni felst upplýsingasöfnun og kortlagning sem tekur að lágmarki til eftirtalinna þátta:

1. Hún taki til allra sjávarútvegsfyrirtækja sem fengið hafa úthlutun aflaheimilda með ákveðnum stærðartakmörkunum sem ákveðin verða á fyrstu stigum verkefnisins.
2. Hún varpi ljósi á eignarhald eins sjávarútvegsfyrirtækis (eða aðila, eins eða fleiri, sem hefur eða hafa yfirráð yfir sjávarútvegsfyrirtæki) í öðrum sjávarútvegsfyrirtækjum.
3. Hún varpi ljósi á eignarhald eins sjávarútvegsfyrirtækis (aðila, eins eða fleiri, sem hefur eða hafa yfirráð yfir sjávarútvegsfyrirtæki) í öðrum fyrirtækjum hér á landi, án tillits til þess á hvaða sviði þau starfa.
4. Hún varpi ljósi á áhrifavald eigenda sjávarútvegsfyrirtækja í gegnum beitingu atkvæðisréttar og stjórnarsetu í fyrirtækjum, sbr. afmörkun í liðum 2 og 3.
5. Hún auki gagnsæi um stjórnunar- og eignatengsl sem rakin eru í liðum 1-4.

Niðurstöður athugunarinnar verða settar fram í sérstakri skýrslu, en gert er ráð fyrir að hún liggi fyrir í lok árs 2023. Verður skýrslan aðgengileg öllum stjórnvöldum á þessu sviði.

Það verður síðan hvers stjórnvalds fyrir sig að ákveða hvernig efni hennar verður nýtt, í samræmi við lögmætar starfsskyldur þess. Skýrslan sjálf mun því ekki fela í sér ákvarðanir Samkeppniseftirlitsins eða annarra eftirlitsstofnana um frekari athuganir eða mögulega íhlutun á grundvelli þeirra laga sem stofnanirnar fylgja eftir.

Gerð verður nánari grein fyrir athuguninni á síðari stigum.